

სამახსოვრო ინსტრუქცია

საუბნო საარჩევნო კომისიის თავმჯდომარის
უფლებამოსილებანი კენჭისყრის დღეს

სამახსოვრო ინსტრუქცია განკუთვნილია იმ საარჩევნო
უბნებისთვის, სადაც კენჭისყრა ელექტრონული
საშუალებების გამოყენებით ტარდება

საქართველოს პარლამენტის
2024 წლის 26 ოქტომბრის არჩევნები

წინამდებარე რესურსი მომზადებულია სსიპ საარჩევნო სისტემების განვითარების, რეფორმებისა და სწავლების ცენტრის მიერ.

დოკუმენტი წარმოადგენს დამხმარე რესურსს და მიზნად ისახავს ხელი შეუწყოს კომისიის თავმჯდომარეს, კენჭისყრის დღეს, საქმიანობა წარმართოს ორგანიზებულად და თანმიმდევრულად.

საუბნო საარჩევნო კომისიის თავმჯდომარის უფლებამოსილებებისა და საქმიანობის წესთან დაკავშირებული საკანონმდებლო რეგულაციების სრული სახით გაცნობის მიზნით, იხილეთ საქართველოს ორგანული კანონი „საქართველოს საარჩევნო კოდექსი“, ცესკოს 2024 წლის 16 აგვისტოს N35/2024 დადგენილება „საქართველოს პარლამენტის 2024 წლის 26 ოქტომბრის არჩევნებისათვის ზოგიერთი საარჩევნო პროცედურის ელექტრონული საშუალებებით განსახორციელებლად საუბნო საარჩევნო კომისიის წევრთა სახელმძღვანელო ინსტრუქციის დამტკიცების თაობაზე“.

თემატური სარჩევი

01	როგორ მოვემზადოთ კენჭისყრის პროცესის დასაწყებად	2
02	როგორ ვმართოთ კენჭისყრის პროცესში წარმოშობილი რისკები	17
03	როგორ ვმართოთ ამომრჩეველთა ვერიფიკაციისა და ხმისდათვლის სპეციალური ელექტრონული აპარატების ფუნქციონირებისას გამოვლენილი ტექნიკური ხარვეზები	22
04	როგორ მოვემზადოთ გადასატანი საარჩევნო ყუთით ხმის მიცემის პროცესის დასაწყებად და რა უნდა გავითვალისწინოთ გადასატანი საარჩევნო ყუთის საარჩევნო უბანში დაბრუნების დროს	24
05	როგორ და რა პერიოდულობით აღვრიცხოთ კენჭისყრაში მონაწილე ამომრჩეველთა რაოდენობა (ამომრჩეველთა აქტივობა)	26
06	როგორ მოვემზადოთ კენჭისყრის შედეგების შეჯამების პროცესისთვის	30
07	რა უნდა გავითვალისწინოთ კენჭისყრის შედეგების შემაჯამებელი ოქმთან მიმართებით	53

სამახსოვრო ინსტრუქციაში განვრილი აქტივობების შესრულების პარალელურად, კენჭისყრის შენობაში ყოფნის უფლების მქონე პირებისთვის, ხმამაღლა გააჟღერეთ თქვენ მიერ განსახორციელებელი თითოეული პროცედურა.

01

როგორ მოვემზადოთ კენჭისყრის პროცესის დასაწყებად

საარჩევნო უბნის გახსნიდან კენჭისყრის დაწყებამდე (06:45 საათიდან 08:00 საათამდე) ჩასატარებელი პროცედურების ორგანიზებულად წარმართვა უკავშირდება ქვემოთ მოყვანილი ძირითადი აქტივობების განხორციელებას:

- ✓ უბნის გახსნა და საოლქო საარჩევნო კომისიის ინფორმირება;
- ✓ სააკრედიტაციო მოწმობების შემოწმება კენჭისყრის შენობაში ყოფნის უფლების მქონე პირების უბანზე დასაშვებად, ჩანაწერთა წიგნში რეგისტრაციის უზრუნველყოფა;
- ✓ მონაცემების გამოცხადება (მიღებული საარჩევნო ბიულეტენების, სპეციალური ჩარჩო - კონვერტებისა და ყველა სახის სიაში რეგისტრირებული ამომრჩევლების რაოდენობა);
- ✓ ამომრჩეველთა ვერიფიკაციის აპარატის გააქტიურება, საწყისი ანგარიშებისა და ამომრჩეველთა სიის ამობეჭდვის უზრუნველყოფა;
- ✓ ხმის დათვლის სპეციალური ელექტრონული აპარატის გააქტიურება და ნულოვანი ამონაწერის ამობეჭდვის უზრუნველყოფა;
- ✓ საუბნო საარჩევნო კომისიის წევრებისთვის ფუნქციის შესაბამისად მასალების გადაცემა.


06:45 საათიდან 08:00 საათამდე ჩასატარებელი პროცედურების განხორციელებისთვის იხელმძღვანელებთ ქვემოთ მოცემული დეტალური აღწერით.

6:45 საათიდან 08:00 საათამდე ჩასატარებელი ძირითადი აქტივობების დეტალური აღწერა

- ❑ 06:45 საათზე გახსენით საარჩევნო უბანი, ტელეფონით შეატყობინეთ საოლქო საარჩევნო კომისიას საარჩევნო უბნის გახსნისა და კომისიის წევრთა კვორუმის თაობაზე.
- ❑ კომისიის მდივანს გადაეცით ჩანაწერთა წიგნი.
- ❑ შეამოწმეთ კენჭისყრის შენობაში მყოფი უფლებამოსილი პირების სააკრედიტაციო მოწმობები (ძალაშია პირადობის მოწმობასთან ერთად).
- ❑ მიუთითეთ კომისიის მდივანს, კომისიის წევრთა შორის ფუნქციების განაწილების შედეგები, რომელიც ასახულია აღნიშნული ფუნქციის გასანაწილებლად კენჭისყრის დღემდე ჩატარებული წილისყრის შედეგების აქტში, შეიტანოს ჩანაწერთა წიგნში.
- ❑ ყველას დასანახად შეამოწმეთ იმ პაკეტის მთლიანობა, რომელშიც მოთავსებულია კომისიის სპეციალური ბეჭედი და გახსენით ის.
- ❑ გამოაცხადეთ ამომრჩეველთა რაოდენობა ამომრჩეველთა ერთიან სიაში, ამომრჩეველთა სპეციალურ სიაში და გადასატანი საარჩევნო ყუთის სიაში (ასეთის არსებობის შემთხვევაში).
- ❑ გამოაცხადეთ მიღებული საარჩევნო ბიულეტენების და ხმის მიცემისთვის განკუთვნილი სპეციალური ჩარჩო-კონვერტების რაოდენობები.
- ❑ ამომრჩეველთა ვერიფიკაციის აპარატების გააქტიურებამდე შეამოწმეთ შესაძლებელია თუ არა ამ აპარატების სპეციალური ინდივიდუალური კოდის შეყვანის გარეშე გააქტიურება.
- ❑ ამომრჩეველთა ვერიფიკაციის აპარატებში გააქტიურეთ ამომრჩეველთა ვერიფიკაციის პროცესი და თითოეული აპარატიდან ამობეჭდეთ საწყისი ანგარიში. ამობეჭდილი საწყისი ანგარიშები გადაეცით კომისიის მდივანს შესანახად.

სქემა N1 - აპაჩაგებში ვეხიფიკაციის პიროცესის გახსნის ეტაპების ილუსტრაცია.

{I} დილაკზე დაჭერით გაააქტიურეთ აპარატებში ჩატვირთული პროგრამა.



{II} აპარატებში იწყება პროგრამის ჩატვირთვა, გრძელდება რამდენიმე წამი.



{III} აპარატებს შორის სინქრონიზაცია დასტურდება ხატულების მწვანე შეფერილობით. რიცხვითი სიმბოლო მიუთითებს დაკავშირებული აპარატების რაოდენობაზე.

ვერიფიკაციის პროცესის გახსნის მიზნით აპარატებში შეიყვანეთ ინდივიდუალური კოდი.



{IV} ღილაკზე „ვერიფიკაციის გახსნა“ დაჭერით აპარატებში ხსნით ვერიფიკაციის პროცესს.


გახსნის დასადასტურებლად განმეორებით შეიყვანეთ ინდივიდუალური კოდი.



{V} ვერიფიკაციის პროცესის გახსნისთანავე აპარატებიდან ავტომატურ რეჟიმში იბეჭდება სანყისი ანგარიშების ამსახველი ქვითარი.




{VI} ღილაკზე „კარგი“ დაჭერით დაადასტურეთ კენჭისყრის პროცესის გახსნა.




- ამომრჩეველთა ვერიფიკაციის აპარატებში ვერიფიკაციის პროცესის გააქტიურების შემდეგ, ერთ-ერთ რეგისტრატორს მიეცით მითითება, რომ მისთვის გადაცემული ვერიფიკაციის აპარატიდან ამობეჭდოს ამომრჩეველთა სია.

სქემა N2 - ვეხიფიკაციის აპაჩატიდან ამომჩივევდთა სიის ბეჭდვის პხოცესის იღუსტხაცია.

{I} ამომჩივევდთა სიის ბეჭდვის მენიუში გადასასვლელად რეგისტრატორი აჭერს ღილაკს „მენიუში დაბრუნება“.



{II} რეგისტრატორი აჭერს ღილაკს „ამომჩიველთა სია“.



{III} რეგისტრატორი აჭერს ლილას „ბეჭდვა“ და შედეგად იბეჭდება ამომრჩეველთა სია.



- ❑ ვერიფიკაციის აპარატიდან ამობეჭდილი სია გამოაკარით თვალსაჩინო ადგილას სადემონსტრაციო ოქმთან ერთად.
- ❑ შეამოწმეთ და დარწმუნდით, რომ საარჩევნო ყუთები ცარიელია. ინდივიდუალური ნომრის მქონე ლუქებით დალუქეთ ძირითადი საარჩევნო ყუთები და გადასატანი საარჩევნო ყუთი/ყუთები (არსებობის შემთხვევაში).
- ❑ ძირითად საარჩევნო ყუთებზე დაამონტაჟეთ ხმის დათვლის სპეციალური ელექტრონული აპარატები.
- ❑ საარჩევნო ყუთების დალუქვის შემდეგ, სპეციალური გასაღებისა და ინდივიდუალური კოდის გამოყენებით გააქტიურეთ ხმის დათვლის სპეციალური ელექტრონულ აპარატებში ჩატვირთული პროგრამა.

სქემა N3 - ხმის დათვლის სპეციალური აპარატებში კენჭისყრის პროცესის გახსნის და აპარატებიდან „ნუღოვანი ამონაწიხების“ ბეჭდვის პროცესის ილუსტრაცია.

{I} აპარატებში ჩატვირთული პროგრამის გააქტიურებისთვის სპეციალური გასაღები მოათავსეთ აპარატების კორპუსზე არსებულ ჭრილში.



{II} აპარატებში იწყება პროგრამის ჩატვირთვა, გრძელდება რამდენიმე წამი.



{III} კენჭისყრის პროცესის გახსნის მიზნით აპარატების ეკრანზე აირჩიეთ ღილაკი „თავმჯდომარე“.



{IV} აპარატებში შეიყვანეთ ინდივიდუალური კოდი.



{V} აპარატების ეკრანზე აირჩიეთ „კენჭისყრის გახსნა“. გახსნის დასადასტურებლად განმეორებით შეიყვანეთ ინდივიდუალური კოდი.



{VI} კენჭისყრის გახსნისთანავე აპარატიდან ავტომატურ რეჟიმში იბეჭდება „ნულოვანი ამონაწერი“, დასტური იმისა, რომ აპარატის საშუალებით, არცერთ ამომრჩეველს არ მიუცია ხმა.



{VII} ღილაკზე „კენჭისყრის დაწყება“ დაჭერით დაადასტურეთ კენჭისყრის პროცესის გახსნა.



- კომისიის მდივანთან ერთად ხელმოწერით დაადასტურეთ ხმის დათვლის სპეციალურ აპარატებიდან ამობეჭდილი „ნულოვანი ამონაწერები“ და შესანახად გადაეცით კომისიის მდივანს.
- კომისიის მდივანთან ერთად ჩანაწერთა წიგნში ხელმოწერით დაადასტურეთ ცარიელი ყუთების დალუქვის ფაქტი და ამონაწერში მოცემული ინფორმაცია იმის თაობაზე, რომ იმ მომენტი-სათვის აპარატის საშუალებით არცერთ ამომრჩეველს არ მიუცია ხმა.
- იმ მიზნით, რომ გადაამოწმოს, ხმის დათვლის სპეციალური ელექტრონული აპარატი არ იღებს საარჩევნო ბიულეტენს სპეციალური შტრიხკოდისა და ინდივიდუალური QR-კოდის გარეშე, აღნიშნულ აპარატებში მოათავსეთ სპეციალური შტრიხკოდისა და ინდივიდუალური QR-კოდის გარეშე საარჩევნო ბიულეტენის ფორმატის ქაღალდი.

- თითოეულ რეგისტრატორს გადაეცით:
 - 50 ცალი საარჩევნო ბიულეტენი (რეგისტრატორის მიერ საარჩევნო ბიულეტენების რაოდენობის გადათვლის შემდეგ, მასთან ერთად ხელი მოაწერეთ მიღება-ჩაბარების აქტს).
 - საარჩევნო ბიულეტენის შესავსები სპეციალური მარკერი;
 - სპეციალური ჩარჩო-კონვერტები;
 - მარკირების სითხე;
 - საწერი კალამი;
 - ვერიფიკაციის აპარატიდან ამოხეჭდილი ამომრჩევლების ვერიფიკაციის დამადასტურებელი ქვითრების მოსათავსებლად განკუთვნილი დალუქული გაუმჭირვალე ყუთი (გადაცემამდე აღნიშნული ყუთი უნდა დალუქოთ ინდივიდუალურის ნომრის მქონე ლუქებით);
 - ერთ-ერთი რეგისტრატორის მაგიდაზე განათავსეთ გამადიდებელი ლინზა მცირემხედველი ამომრჩევლებისთვის, ასევე, უსინათლო ამომრჩევლებისთვის განკუთვნილი სპეციალური ჩარჩო (ასეთის არსებობის შემთხვევაში).
- ნაკადის მომწესრიგებელ კომისიის წევრს გადაეცით მარკირების შესამოწმებელი ულტრაიისფერი ფარანი.
- საარჩევნო ყუთისა და ხმის დათვლის სპეციალური ელექტრონული აპარატის ზედამხედველ საუბნო საარჩევნო კომისიის თავმჯდომარის მოადგილეს მიუთითეთ დაიკავოს ადგილი ძირითად საარჩევნო ყუთთან. საჭიროების შემთხვევაში ფუნქციის შესრულება დამატებით დაავალეთ კომისიის სხვა წევრსაც.
- კენჭისყრის პროცესის დაწყებამდე გაააქტიურეთ პლანშეტში ჩატვირთული ცესკოს აპლიკაცია.


პლანშეტში ჩატვირთული ცესკოს აპლიკაციის გააქტიურების პროცესის ილუსტრაცია იხილე გვ. 14, სქემა N4.

სქემა N4 - პლანშეტში ჩატვირთული ცესკოს აპლიკაციის გააქტიურების პროცესის ილუსტრაცია

{I} პლანშეტში ჩატვირთული ცესკოს აპლიკაცია გააქტიურეთ ხატულაზე დაჭერით.



{II} გაიარეთ ავტორიზაცია. ამ მიზნით შესაბამის ველებში შეიყვანეთ სიმბარათის ნომერი, საარჩევნო უბნის ნომერი და დააჭირეთ ღილაკს „კოდის გაგზავნა“.






{III}

მოკლე ტექსტური შეტყობინებით მიღებული კოდი შეიყვანეთ ველში „ერთჯერადი კოდი“ და დააჭირეთ ღილაკს „შესვლა“.

- საარჩევნო უბანზე ხმის მიცემის პროცესი იწყება 08:00 საათიდან. პირველი ამომრჩევლის მიერ რეგისტრაციის გავლის შემდეგ, კენჭისყრის პროცესის დაწყება პლანშეტის მეშვეობით აცნობეთ ცესკოს.


პლანშეტში ჩატვირთული ცესკოს აპლიკაციის მეშვეობით კენჭისყრის დაწყების შესახებ ინფორმაციის გადაცემის პროცესის ილუსტრაცია იხილეთ გვ. 16, სქემა N5.

სქემა N5 - პდანშეგში ჩაგვიხთუდი ცესკოს აპლიკაციის მეშვეობით კენჭისყრის დაწყების შესახებ ინფორმაციის გადაცემის პროცესის იდუსტრაცია



{I}

პროცესის დაწყების შესახებ ცესკოს ინფორმირებისთვის დააჭირეთ ჩამოსაშლელ კონტექსტურ მენიუსს.



{II}

პროგრამის მენიუში დააჭირეთ ლილაკს „აქტივობა“.



{III}

აირჩიეთ ლილაკი „გახსნა“. ლილაკის მონიშვნისთანავე ინფორმაცია გადაიგზავნება ცესკოში.

02

როგორ ვპართოთ კენჭისყრის პროცესში ნარმოშობილი რისკები

- ✓ კენჭისყრაში მონაწილეობა ამომრჩეველს აეკრძალება თუ მარკირების შესამოწმებელმა სპეციალურმა ხელსაწყომ გამოავლინა, რომ მას უკვე აქვს მარკირება. ნაკადის მომწესრიგებელი ამომრჩეველს განუმარტავს უარს კენჭისყრის ოთახში დაშვებაზე, ხოლო ამომრჩევლის შესახებ ინფორმაციას აცნობებს კომისიის მდივანს ჩანაწერთა წიგნში შეტანის მიზნით.
- ✓ თუ ამომრჩეველი რეგისტრატორს წარუდგენს ვადაგასულ პირადობის დამადასტურებელ დოკუმენტს, ან ძალადაკარგულ საქართველოს მოქალაქის პირადობის არაელექტრონულ მონმობას (ძალადაკარგულ-ლია 2011 წლის 27 ივლისის ჩათვლით გაცემული არაელექტრონული მონმობა), რეგისტრატორი ამომრჩეველს განუმარტავს კენჭისყრაში მონაწილეობაზე უარის მიზეზს და მიუთითებს, რომ კენჭისყრაში მონაწილეობის უფლება მიეცემა, თუ წარუდგენს მოქმედ პირადობის დამადასტურებელ დოკუმენტს.
- ✓ თუ ამომრჩეველი რეგისტრატორს წარუდგენს საქართველოს მოქალაქის პასპორტს, ან საქართველოს მოქალაქის პირადობის არაელექტრონული მონმობას, რეგისტრატორი ამომრჩევლის მონაცემთა ძებნას აპარატში ახორციელებს ხელით.
- ✓ თუ ვერიფიკაციის აპარატის მიერ ამომრჩევლის მონაცემთა შესაბამისობის შემოწმებისას დადასტურდა, რომ წარდგენილ დოკუმენტში აღნიშნული ამომრჩევლის სარეგისტრაციო მონაცემები შეესაბამება ამომრჩეველთა ვერიფიკაციის აპარატში ჩატვირთულ ამომრჩეველთა სიაში არსებულ მონაცემებს, მაგრამ რეგისტრატორმა ამომრჩევლის სახე და წარდგენილ დოკუმენტში არსებული ფოტოსურათი ერთმანეთთან შეუსაბამოდ მიიჩნია, აღნიშნული შეუსაბამობის თაობაზე მან უნდა მოგმართოთ თქვენ:

- თუ დაადასტურებთ შესაბამობას, მიუთითეთ კომისიის მდივანს, ჩანაწერთა წიგნში გააკეთოს შესაბამისი ჩანაწერი (ამომრჩევლის სახელის, გვარის და ამომრჩეველთა სიაში მისი რიგითი ნომრის მითითებით). ეს ჩანაწერი კომისიის მდივანთან ერთად დაადასტურეთ ხელმოწერით.
- თუ არ დაადასტურებთ შესაბამობას, რეგისტრატორს უფლება აქვს, ჩანაწერთა წიგნში ჩაწეროს თავისი განსაკუთრებული აზრი. კომისიის მდივანმა ჩანაწერთა წიგნში უნდა გააკეთოს შესაბამისი ჩანაწერი (ამომრჩევლის სახელის, გვარის და ამომრჩეველთა სიაში მისი რიგითი ნომრის მითითებით). ეს ჩანაწერი რეგისტრატორმა და კომისიის მდივანმა უნდა დაადასტურონ ხელმოწერებით.

ზემოაღნიშნულ შემთხვევებში კომისიის მდივანმა ჩანაწერთა წიგნს უნდა დაურთოს მისი ხელმოწერით დაადასტურებული ამომრჩევლის მიერ წარდგენილი პირადობის დამადასტურებელი დოკუმენტის ფოტოასლი.

პროცედურების შესრულების შემდეგ ამომრჩეველს მიეცით კენჭისყრაში მონაწილეობის უფლება.

- ✓ ამომრჩეველს კენჭისყრაში მონაწილეობა აკრძალება მარკირების პროცედურის გავლაზე უარის შემთხვევაში. რეგისტრატორი მას განუმარტავს დატოვოს კენჭისყრის შენობა.
- ✓ თუ ვერიფიკაციის აპარატიდან არ ამოიბეჭდება ამომრჩევლის ვერიფიკაციის დამადასტურებელი ქვითარი, ან ამოიბეჭდება ტექნიკური წუნით, ამომრჩეველი, ვერიფიკაციის დამადასტურებელი ქვითრის ნაცვლად, ხელს აწერს ამომრჩევლის ვერიფიკაციის დამადასტურებელ აქტს, რომლის ფორმას ავსებს კომისიის მდივანი. რეგისტრატორი ამომრჩევლის მიერ ხელმოწერილ აქტს ათავსებს ვერიფიკაციის დამადასტურებელი ქვითრებისთვის განკუთვნილ ყუთში. კომისიის მდივანი ჩანაწერთა წიგნს დაურთავს შესაბამისი ამომრჩევლის პირადობის დამადასტურებელი დოკუმენტის ფოტოასლს.
- ✓ თუ ვერიფიკაციის აპარატი დააფიქსირებს, რომ კენჭისყრის შენობაში ხმის მისაცემად გამოცხადებული ამომრჩეველი შეყვანილია გადასატანი საარჩევნო ყუთის სიაში, შესაბამისი

ინფორმაცია გამოდის აპარატის ეკრანზე, იმავდროულად აპარატი გამოსცემს ხმოვან სიგნალს. ამომრჩეველს აეკრძალება საარჩევნო უბანში კენჭისყრაში მონაწილეობა. რეგისტრატორი ამომრჩეველს განუმარტავს, რომ მოთხოვნის შესაბამისად, ამომრჩევლისთვის გათვალისწინებულია გადასატანი საარჩევნო ყუთით ხმის მიცემის სერვისი.

- ✓ თუ ვერიფიკაციის აპარატი დააფიქსირებს, რომ კენჭისყრის შენობაში ხმის მისაცემად გამოცხადებული ამომრჩეველი შეყვანილია სხვა უბნისთვის განკუთვნილ სპეციალურ სიაში, შესაბამისი ინფორმაცია გამოდის აპარატის ეკრანზე, იმავდროულად აპარატი გამოსცემს ხმოვან სიგნალს. ამომრჩეველს აეკრძალება საარჩევნო უბანში კენჭისყრაში მონაწილეობა. რეგისტრატორი ამომრჩეველს განუმარტავს, რომ კენჭისყრაში მონაწილეობის მისაღებად იგი უნდა მივიდეს შესაბამის საარჩევნო უბანში. უბნის ნომერსა და მისამართს რეგისტრატორი ამომრჩეველს აწვდის ვერიფიკაციის აპარატის ეკრანზე გამოტანილი ინფორმაციის საფუძველზე.
- ✓ თუ ვერიფიკაციის აპარატი დააფიქსირებს, რომ კენჭისყრის შენობაში ხმის მისაცემად გამოცხადებული ამომრჩეველი უკვე ვერიფიცირებულია ამ საარჩევნო უბანზე, შესაბამისი ინფორმაცია გამოდის აპარატის ეკრანზე, იმავდროულად აპარატი გამოსცემს ხმოვან სიგნალს. ამომრჩეველს აეკრძალება საარჩევნო უბანში კენჭისყრაში მონაწილეობა. რეგისტრატორი ამომრჩეველს განუმარტავს, დატოვოს კენჭისყრის შენობა.
- ✓ თუ ვერიფიკაციის აპარატი დააფიქსირებს, რომ ვერიფიკაციის აპარატი ჩატვირთულ სიაში ამომრჩეველის შესახებ მონაცემები არ მოიძებნა. შესაძლებლობის ფარგლებში, დაეხმარეთ ამომრჩეველს მოიძიოს ინფორმაცია იმ უბნის შესახებ, რომელშიც ის არის რეგისტრირებული.

სქემა N6 - პდნშეტში ჩატვირთული ცესკოს აპლიკაციის მეშვეობით ამომჩიველის მონაცემების ძებნის პროცესის ილუსტრაცია.



{I}

ამომრჩეველთა სიაში პიროვნების ძებნისთვის ამომრჩეველის პირადი ნომერი შეიყვანეთ ველში „პირადი ნომერი“ და აირჩიეთ ლილაკი „ჩამოტვირთვა“



{II}

ერთიან სიაში ამომრჩეველის რეგისტრაციის ფაქტის დადასტურების შემთხვევაში, ეკრანზე გამოვა ამომრჩეველის სარეგისტრაციო მონაცემები, მათ შორის, საარჩევნო უბნის ნომერი.

- ✓ ამომრჩეველს, რომელსაც არ შეუძლია დამოუკიდებლად შეავსოს საარჩევნო ბიულეტენი, უფლება აქვს, ფარული კენჭისყრის კაბინაში დასახმარებლად მიიწვიოს საარჩევნო უბანზე მყოფი ნებისმიერი პირი, გარდა:
 - ა) საარჩევნო კომისიის წევრისა;
 - ბ) კანდიდატისა;
 - გ) საარჩევნო სუბიექტის წარმომადგენლისა;
 - დ) დამკვირვებლისა;
 - ე) პრესისა და მასობრივი ინფორმაციის სხვა საშუალებების წარმომადგენლისა.
- ✓ თუ ამომრჩეველს გაუფუჭდა საარჩევნო ბიულეტენი, დაავალეთ რეგისტრატორს ამომრჩეველს შეუცვალოს გაფუჭებული საარჩევნო ბიულეტენი ახლით. ამომრჩევლის თანდასწრებით, გაფუჭებული საარჩევნო ბიულეტენი დაკეცეთ იმგვარად, რომ შეუძლებელი იყოს საარჩევნო სუბიექტების დანახვა, გადაკეცილი საარჩევნო ბიულეტენი დაამაგრეთ ლითონის შემკვრელით, ჩამოაჭრით კუთხე, დააწერეთ „გაფუჭებულია“ და ხელი მოაწერეთ. გაფუჭებული საარჩევნო ბიულეტენი შეინახეთ ცალკე.
- ✓ თუ ხმის დათვლის სპეციალური ელექტრონული აპარატი უკან დააბრუნებს საარჩევნო ბიულეტენს, შესაძლებელია მისი ხელმეორედ მოთავსება ხმის დათვლის სპეციალურ ელექტრონულ აპარატში. საარჩევნო ბიულეტენის კვლავ დაბრუნების შემთხვევაში, იგი ჩაითვლება გაფუჭებულად. ამომრჩევლის თანდასწრებით, გაფუჭებული საარჩევნო ბიულეტენი დაკეცეთ იმგვარად, რომ შეუძლებელი იყოს საარჩევნო სუბიექტების დანახვა, გადაკეცილი საარჩევნო ბიულეტენი დაამაგრეთ ლითონის შემკვრელით, ჩამოაჭრით კუთხე, დააწერეთ „გაფუჭებულია“ და ხელი მოაწერეთ. გაფუჭებული საარჩევნო ბიულეტენი შეინახეთ ცალკე. დაავალეთ რეგისტრატორს ამომრჩეველს შეუცვალოს გაფუჭებული საარჩევნო ბიულეტენი ახლით.

03

როგორ ვპართოთ ამომრჩეველთა ვერიფიკაციისა და ხმის დათვლის სპეციალური ელექტრონული აპარატების ფუნქციონირებისას გამოვლენილი ტექნიკური ხარვეზები

ელექტრონული საშუალებების გამოყენების გარეშე კენჭისყრის პროცესის გაგრძელების შესახებ გადაწყვეტილების მიღებამდე გასათვალისწინებელი საკითხები:

- ✓ კენჭისყრის პროცესის მიმდინარეობისას, ამომრჩეველთა ვერიფიკაციისა და ხმის დათვლის სპეციალური ელექტრონული აპარატების ტექნიკური ხარვეზის აღმოჩენის შემთხვევაში, იღებთ გადაწყვეტილებას კენჭისყრის პროცესის დროებით შეჩერების შესახებ, რის თაობაზეც ვალდებული ხართ დაუყოვნებლივ შეატყობინოთ საოლქო საარჩევნო კომისიას.
- ✓ ტექნიკური ხარვეზის აღმოფხვრისთანავე კენჭისყრა გრძელდება აპარატის/აპარატების საშუალებით.
- ✓ იმ შემთხვევაში, თუ კენჭისყრის პროცესი მიმდინარეობდა ამომრჩეველთა ვერიფიკაციისა და ხმის დათვლის ერთზე მეტი სპეციალური ელექტრონული აპარატის გამოყენებით და ტექნიკური ხარვეზის გამო ფუნქციონირება შეწყვიტა მხოლოდ ნაწილმა, კენჭისყრის პროცესი გააგრძელეთ დანარჩენი ფუნქციონირებადი ამომრჩეველთა ვერიფიკაციისა და ხმის დათვლის სპეციალური ელექტრონული აპარატის/აპარატების გამოყენებით.
- ✓ იმ შემთხვევაში, თუ შეუძლებელი გახდა ამომრჩეველთა ვერიფიკაციის/ხმის დათვლის სპეციალური ელექტრონული აპარატებით კენჭისყრის გაგრძელება, შესაბამისი აპარატის/აპარატების გამოყენების გარეშე კენჭისყრის გაგრძელების თაობაზე საუბნო საარჩევნო კომისიის მდივანი ადგენს აქტს

(ხელს აწერს კომისიის ყველა დამსწრე წევრი) და შესაბამის ჩანაწერი შეაქვს ჩანაწერთა წიგნში.

- ამომრჩეველთა ვერიფიკაციის აპარატის გამოყენების გარეშე ხმის მიცემის პროცესის გაგრძელების შემთხვევაში იხელმძღვანელოთ საუბნო საარჩევნო კომისიის წევრთა სახელმძღვანელო ინსტრუქციის N2 დანართით, გვერდი 74-82.
- ხმის დათვლის სპეციალური ელექტრონული აპარატის გამოყენების გარეშე ხმის მიცემის პროცესის გაგრძელების შემთხვევაში იხელმძღვანელოთ საუბნო საარჩევნო კომისიის წევრთა სახელმძღვანელო ინსტრუქციის N2 დანართით, გვერდი 74-75; 83-84.

04

როგორ მოვემზადოთ გადასატანი საარჩევნო ყუთით ხმის მიცემის პროცესის დასაწყებად და რა უნდა გავითვალისწინოთ გადასატანი საარჩევნო ყუთის საარჩევნო უბანში დაბრუნების დროს

- გადასატანი საარჩევნო ყუთის მეშვეობით კენჭისყრა იწყება 09:00 საათიდან. გადასატანი საარჩევნო ყუთის მეშვეობით კენჭისყრის ჩატარებაზე პასუხისმგებელ კომისიის წევრებს/სპეცგუფის წევრებს გადაეცით:
 - დალუქული გადასატანი საარჩევნო ყუთი;
 - გადასატანი საარჩევნო ყუთის სიის კომისიისთვის განკუთვნილ ვერსიას;
 - საჭირო რაოდენობის საარჩევნო ბიულეტენები;
 - საარჩევნო ბიულეტენის შესავსები სპეციალური მარკერები;
 - საჭირო რაოდენობის სპეციალური ჩარჩო-კონვერტები;
 - ლითონის სამაგრები (ამომრჩევლის მიერ საარჩევნო ბიულეტენის სპეციალური ჩარჩო-კონვერტში მოთავსების შემდგომ, ჩარჩო-კონვერტი ლითონის სამაგრით მაგრდება და თავსდება გადასატან საარჩევნო ყუთში);
 - ლითონის შემკვრელი (გამოიყენება საარჩევნო ბიულეტენის გაფუჭების შემთხვევაში ხმის ფარულობის უზრუნველსაყოფად);
 - მარკირების შესამოწმებელ ულტრაიისფერი ფარანი;
 - მარკირების სითხე;
 - საწერი კალმები (გადასატანი საარჩევნო ყუთის სიაში ამომრჩევლის მიერ ხელმოწერის დაფიქსირების მიზნებისთვის);
 - გადასატანი საარჩევნო ყუთის ქრილის ლუქი.

- გადასატანი საარჩევნო ყუთის მეშვეობით ხმის მიცემისას ავტომანქანის გამოყენების შემთხვევაში გამოყავით ადგილი ავტომანქანაში კენჭისყრის შენობაში ყოფნის უფლების მქონე პირთაგან წილისყრით გამოვლენილი 2 მეთვალყურისათვის (ასეთის არსებობისას).
- გადასატანი საარჩევნო ყუთის მეშვეობით ხმის მიცემა სრულდება არაუგვიანეს 19:00 საათისა, გადასატანი საარჩევნო ყუთი საარჩევნო უბანზე უნდა დაბრუნდეს არაუგვიანეს 20:00 საათისა.
- გადასატანი საარჩევნო ყუთის საარჩევნო უბანში დაბრუნებისთანავე მიუთითეთ კომისიის მდივანს შეამოწმოს გადასატანი საარჩევნო ყუთის სიაში არსებული ხელმოწერების, გამოუყენებელი ან/და გაფუჭებული საარჩევნო ბიულეტენების რაოდენობის სისწორე. უზუსტობის აღმოჩენის შემთხვევაში გადასატანი ყუთის თანმხლებმა კომისიის წევრებმა/სპეცჯგუფის წევრებმა უნდა დაწერონ ახსნა-განმარტება მიზეზის მითითებით.

ახსნა-განმარტებაში ასახული მონაცემები, გაითვალისწინება კენჭისყრაში/არჩევნებში მონაწილე ამომრჩეველთა რაოდენობის დადგენისა და კენჭისყრის შედეგების შემაჯამებელი ოქმის შედგენის მიზნებისთვის.

- თუ საარჩევნო უბანში გამოყენებულია ერთზე მეტი გადასატანი საარჩევნო ყუთი, მიუთითეთ სპეცჯგუფის წევრებს, კენჭისყრის შენობაში დარჩენენ გადასატანი საარჩევნო ყუთში არსებული საარჩევნო ბიულეტენების ხმის დათვლის სპეციალურ ელექტრონულ აპარატში დადგენილი წესით მოთავსების პროცედურის დასრულებამდე.


05

როგორ და რა პერიოდულობით აღვრიცხვით კენჭისყრაში/არჩევნებში მონაწილე ამომრჩეველთა რაოდენობა (ამომრჩეველთა აქტივობა)

- კენჭისყრაში/არჩევნებში მონაწილე ამომრჩეველთა რაოდენობის (ამომრჩეველთა აქტივობა) დადგენის მიზნით, 10:00, 12:00, 15:00, 17:00 საათზე, მიუთითეთ ერთ-ერთი რეგისტრატორს ამომრჩეველთა ვერიფიკაციის აპარატიდან ამობეჭდოს ამომრჩეველთა აქტივობის ამსახველი ქვითარი/ანგარიში.
- შესაბამისი პერიოდებისთვის (10:00, 12:00, 15:00, 17:00 საათზე) ამობეჭდილ ქვითარში/ანგარიშში მითითებულ კენჭისყრაში/არჩევნებში მონაწილე ამომრჩეველთა რაოდენობას დაუმატეთ გადასატანი საარჩევნო ყუთის სიაში (ასეთის არსებობისას) შეყვანილი ამომრჩევლების ხელმოწერების ჯამი და პლანშეტით, უზრუნველყავით ცესკოსთვის აღნიშნული მონაცემების გადაეცემა.


კენჭისყრაში/არჩევნებში მონაწილე ამომრჩეველთა რაოდენობის (აქტივობის) შესახებ ინფორმაციის ცესკოსთვის გადაგზავნის პროცესის ილუსტრაცია იხილეთ გვ. 27, სქემა N7.

სქემა N7 - კენჭისყრაში/აჩრევნებში მონაწილე ამომხრევედთა ხაონობის (აქტივობის) შესახებ ინფორმაციის ცესკოსთვის გადაგზავნის პიროცხის იდუსგხაცია.



{I}

დააჭირეთ ჩამოსაშლელ კონტექსტურ მენიუს.




{II}

პროგრამის მენიუში დააჭირეთ ღილაკს „აქტივობა“.



{III}

აირჩიეთ შესაბამისი დროის მარჯვენაზელი აქტიური ველი.



{IV}

გრაფაში შეიტანეთ შესაბამისი პერიოდისთვის დადგენილი კენჭისყრაში/ არჩევნებში მონაწილე ამომრჩეველთა რაოდენობა და აირჩიეთ ღილაკი „გაგზავნა“.

☰ აქტივობა 01.01.01

უზნის გახსნა გახსნა

10:00	120
აქტიური	
12:00	0
არა აქტიური	
15:00	0
არა აქტიური	
17:00	0
არა აქტიური	
20:00	0
არა აქტიური	
ქალი	0
არა აქტიური	

განახლება

{V}

გაგზავნილი მონაცემი აისახება შესაბამისი პერიოდის აქტივობის გრაფაში.

120

06

როგორ მოვემზადოთ კენჭისყრის შედეგების შეჯამების პროცესისთვის

საარჩევნო უბნის დახურვიდან კენჭისყრის შედეგების შემაჯამებელი ოქმის შედგენამდე ჩასატარებელი პროცედურების ორგანიზებულად წარმართვა უკავშირდება ქვემოთ მოყვანილი ძირითადი აქტივობების განხორციელებას:

- ✓ საარჩევნო უბნის დახურვა;
- ✓ ვერიფიკაციის აპარატებში ვერიფიკაციის პროცესის დასრულება;
- ✓ გადასატანი საარჩევნო ყუთის გახსნა და ხმის დათვლის სპეციალური ელექტრონული აპარატის მეშვეობით ძირითად საარჩევნო ყუთში საარჩევნო ბიულეტენების მოთავსება;
- ✓ ხმის დათვლის სპეციალური ელექტრონული აპარატიდან წინასწარი შედეგების შესახებ კონსოლიდირებული ამონაწერის ბეჭდვა და საჯაროობა;
- ✓ საარჩევნო უბნის მოწყობა ხმის დათვლის პროცედურისთვის;
- ✓ წილისყრით მთვლელების გამოვლენა;
- ✓ ხმის დათვლის პროცესში დამკვირვებლებისგან გამოვლენილი მეთვალყურეების, საარჩევნო სუბიექტების წარმომადგენლების ჩართულობის უზრუნველყოფა;
- ✓ მთვლელების მიერ ძირითადი საარჩევნო ყუთების გახსნამდე შესაბამისი საარჩევნო დოკუმენტაციის დალუქვა;
- ✓ ძირითადი საარჩევნო ყუთების გახსნა;
- ✓ მთვლელების მიერ საარჩევნო ბიულეტენების დახარისხება, დათვლა და დალუქვა.

საარჩევნო უბნის დახურვიდან კენჭისყრის შედეგების შემაჯამებელი ოქმის შედგენამდე ჩასატარებელი პროცედურების განხორციელებისთვის იხელმძღვანელებთ ქვემოთ მოცემული დეტალური აღწერით.


საარჩევნო უბნის დახურვიდან კენჭისყრის შედეგების შემაჯავებელი ოქმის შედგენამდე კერიოდში ჩასატარებელი ძირითადი აქტივობების დეტალური აღწერა

- ❑ კენჭისყრის პროცედურა სრულდება და კენჭისყრის შენობა იკეტება 20:00 საათზე. ამ დროისთვის რიგში მდგომ ამომრჩევლებს შეუძლიათ ხმის მიცემა. კომისიის ერთ-ერთი წევრს დაავალეთ აღრიცხოს რიგში მდგომ ამომრჩეველთა გვარები, სახელები და რაოდენობა გაცნობით. როგორც კი ბოლო ამომრჩეველი მისცემს ხმას, კენჭისყრა დასრულებულად გამოაცხადეთ.
- ❑ მიუთითეთ რეგისტრატორებს დალუქონ ამომრჩეველთა ვერიფიკაციის დამადასტურებელი ქვითრების მოსათავსებლად განკუთვნილი გაუმჭვირვალე ყუთების ქრილები.
- ❑ მიუთითეთ კომისიის მდივანს ჩანაწერთა წიგნის 26-ე და 27-ე გვერდებზე შეიტანოს ხმების დათვლის დროს კენჭისყრის შენობაში მყოფი პირების მონაცემები.

კენჭისყრის შენობის დაკეტვის შემდეგ კენჭისყრის შენობაში შესვლისა და კენჭისყრის შენობის დატოვების უფლება აქვთ კენჭისყრის შენობაში ყოფნის უფლების მქონე პირებს.

- ❑ კენჭისყრის პროცესის დასრულების შემდეგ, მიუთითეთ ერთ-ერთი რეგისტრატორს ამომრჩეველთა ვერიფიკაციის აპარატიდან ამობეჭდოს ამომრჩეველთა საერთო რაოდენობის ამსახველი საბოლოო ქვითარი/ანგარიში.
- ❑ ამობეჭდილი საბოლოო ანგარიში გადაეცით კომისიის მდივანს შესანახად.
- ❑ პლანშეტით, უზრუნველყავით ცესკოსთვის კენჭისყრაში/ არჩევნებში მონაწილე ამომრჩეველთა საბოლოო რაოდენობის შესახებ მონაცემების გადაცემა, მათ შორის გენდერულ ქრილში.

სქემა N8 - კენჭისყრაში/აჩრევნებში მონაწიდე ამომჩივევდთა საბოლოო ხაოდენობის (აქტივობის) შესახებ ინფოხმაციის ცესკოსთვის გადაგზავნის პხოცესის იდუსტრაცია.



{I}

დააჭირეთ ჩამოსაშლელ კონტექსტურ მენიუს.



{II}

პროგრამის მენიუში აირჩიეთ ღილაკი „აქტივობა“.



{III}

აირჩიეთ შესაბამისი დროის მარკვერებელი აქტიური ველი.



{IV}

გრაფაში შეიტანეთ კენჭისყრაში/არჩევნებში მონაწილე ამომრჩეველთა საერთო რაოდენობა და აირჩიეთ ღილაკი „გაგზავნა“.

ანალოგიურად შეიტანეთ და გადააგზავნეთ გენდერული მონაცემები.



{V}

გაგზავნილი მონაცემი აისახება შესაბამის გრაფებში.


- ვერიფიკაციის აპარატებში დაასრულეთ ვერიფიკაციის პროცესი..

სქემა N9 - აპაჩაგებში ვეჩიფიკაციის პროცესის დასრულების ეტაპების იდუსტრაცია.


{I} აირჩიეთ დილაკი „მენიუში დაბრუნება“.



{II} მენიუში აირჩიეთ ღილაკი „ვერიფიკაციის დახურვა“.




{III} განმეორებით აირჩიეთ ღილაკი „ვერიფიკაციის დახურვა“.




{IV} ვერიფიკაციის პროცესის დახურვის მიზნით შეიყვანეთ ინდივიდუალური კოდი.



{V} ვერიფიკაციის პროცესის დახურვისთანავე აპარატებიდან ავტომატურ რეჟიმში იბეჭდება საბოლოო ანგარიშების ამსახველი ქვითარი.



{VI} აირჩიეთ ღილაკი „გამორთეთ მონყობილობა“ და გათიშეთ აპარატები.



- ❑ შეამონმეთ გადასატანი საარჩევნო ყუთის (ასეთის არსებობის შემთხვევაში) ლუქების მთლიანობა.

იმ შემთხვევაში, თუ გადასატანი საარჩევნო ყუთის ლუქის მთლიანობა დარღვეული აღმოჩნდა, მაგრამ კომისია მიიჩნევს, რომ ამას არ გამოუწვევია კანონის მოთხოვნათა დარღვევა, კომისიის განკარგულებით გრძელდება კენჭისყრის შედეგების შეჯამების პროცედურა (აღნიშნული ფაქტი დაუყოვნებლივ აცნობეთ საოლქო საარჩევნო კომისიას). წინააღმდეგ შემთხვევაში გადასატანი საარჩევნო ყუთი დალუქეთ და საუბნო საარჩევნო კომისიის განკარგულებასთან ერთად დაუყოვნებლივ გადაეცით საოლქო საარჩევნო კომისიას.

- ❑ თუ გადასატანი საარჩევნო ყუთის ლუქის მთლიანობის დარღვევა არ გამოვლინდა, გადასატან საარჩევნო ყუთში არსებულ საარჩევნო ბიულეტენები ხმის დათვლის სპეციალური ელექტრონული აპარატის მეშვეობით ძირითად საარჩევნო ყუთში/ყუთებში მოათავსეთ იმგვარად, რომ შეუძლებელი გახდეს ამომრჩევლის მიერ გაკეთებული არჩევანის დანახვა.

იმ შემთხვევაში, თუ:

- ✓ გადასატანი საარჩევნო ყუთიდან ამოღებულ სპეციალურ ჩარჩო-კონვერტში აღმოჩნდება დადგენილ რაოდენობაზე მეტი საარჩევნო ბიულეტენი, ასეთი საარჩევნო ბიულეტენები დაიდება ცალკე, დაენერება ბათილობის საფუძველი „მეტი ბიულეტენი“ და დაემატება ძირითად საარჩევნო ყუთში აღმოჩენილი ბათილი საარჩევნო ბიულეტენების რაოდენობას.
- ✓ ხმის დათვლის სპეციალური ელექტრონული აპარატი უკან დააბრუნებს გადასატანი საარჩევნო ყუთიდან ამოღებულ საარჩევნო ბიულეტენს, ასეთი ბიულეტენი გადაიდება ცალკე იმგვარად, რომ შეუძლებელი გახდეს ამომრჩევლის მიერ გაკეთებული არჩევანის დანახვა და შემდგომ შეერევა ძირითადი საარჩევნო ყუთებიდან დათვლის მიზნებისთვის ამოღებულ საარჩევნო ბიულეტენებს.

ზემოაღნიშნული შემთხვევების გამოვლენისას, მიუთითეთ კომისიის მდივანს შეადგინო აქტს ფაქტის მითითებით, რომელსაც თქვენთან ერთად ხელს აწერს კომისიის ყველა დამსწრე წევრი და სპეცგუფის წევრები (ასეთის არსებობისას).

- ✓ თუ გადასატან საარჩევნო ყუთში აღმოჩნდება სხვა საარჩევნო უბნისთვის განკუთვნილი ან დაუდგენელი ნიმუშის საარჩევნო ბიულეტენი, ასეთ საარჩევნო ბიულეტენს ცალკე გადაიდება. სხვა უბნისთვის განკუთვნილი საარჩევნო ბიულეტენები მიიჩნევა ბათილად, ცალკე პაკეტად იკვრება, მათი რაოდენობა არ მიეთითება კენჭისყრის შედეგების შემაჯამებელ ოქმში და აღინიშნება მხოლოდ ჩანაწერთა წიგნში.
- გადასატან საარჩევნო ყუთში არსებული საარჩევნო ბიულეტენების ძირითად საარჩევნო ყუთში მოთავსების პროცედურის დასრულების შემდეგ, ხმის დათვლის სპეციალური ელექტრონული აპარატებში დახურეთ კენჭისყრის პროცესი.

ერთ-ერთი აპარატიდან ამობეჭდეთ წინასწარი შედეგების შესახებ კონსოლიდირებული კენჭისყრის წინასწარი შედეგები და ინფორმაცია, ცესკოსთვის მიწოდების მიზნით, გადაიტანეთ გარე მეხსიერების ბარათზე.

სქემა N10 - კენჭისყრის პროცესის დახუჯვის, შედეგების სინქრონიზაციის და კონსოლიდაციის ეტაპების ილუსტრაცია.

{I} აპარატების კორპუსზე არსებულ ჭრილში სპეციალური გასაღების მოთავსებით გადადით პროგრამის სამართავ პანელში.



{II} აპარატებში იწყება პროგრამის ჩატვირთვა, გრძელდება რამდენიმე წამი.



{III} კენჭისყრის პროცესის დახურვის მიზნით აპარატების ეკრანზე აირჩიეთ ღილაკი „თავმჯდომარე“.



{IV} აპარატებში შეიყვანეთ ინდივიდუალური კოდი.



{V} აპარატების ეკრანზე აირჩიეთ „კენჭისყრის პროცესის დახურვა“.
დასადასტურებლად განმეორებით შეიყვანეთ ინდივიდუალური
კოდი.



{VI} აირჩიეთ ლილაკი „დასრულდა“ და დაადასტურეთ კენჭისყრის
პროცესის დასრულება.




{VII} აპარატებს შორის მონაცემების მიმოცვლის მიზნით (მონაცემების დაჯამებისთვის - სინქრონიზაციისთვის) აირჩიეთ ღილაკი „შედეგების სინქრონიზაცია“.



{VIII} აპარატებში შეიყვანეთ ინდივიდუალური კოდი.




{IX} აპარატები ავტომატურ რეჟიმში ახორციელებენ სინქრონიზაციის პროცესს (მონაცემთა მიმოცვლას).



{X} სინქრონიზაციის პროცესის დასრულების შემდგომ დაინყეთ შედეგების კონსოლიდაცია.



{XI} აპარატის ეკრანზე გამოვა შეტყობინება, თუ რამდენი აპარატის მონაცემები არის კონსოლიდირებული. შემდეგ ორ ეგზემპლარად, ავტომატურ რეჟიმში, იბეჭდება კენჭისყრის წინასწარი შედეგების შესახებ ამონაწერი.



{XII} ხმის დათვლის იმ აპარატის შესაბამის განყოფილებაში, საიდანაც ამოიბეჭდა კონსოლიდირებული ანგარიში, დააერთეთ გარე მეხსიერების ბარათი, რომელზეც ავტომატურ რეჟიმში იწერება წინასწარი შედეგების შესახებ ინფორმაცია.



{XIII} წინასწარი შედეგების გარე მახსიერების ბარათზე გადაწერის შემდეგ, აირჩიეთ ლილაკი „სისტემის გამორთვა“.



{XIV} აირჩიეთ ლილაკი „დიახ“ და გათიშეთ აპარატები.



თუ ხმის დათვლის სპეციალური ელექტრონული აპარატიდან არ ამოიბეჭდება წინასწარი შედეგების შესახებ ამონაწერი ან ამოიბეჭდება ტექნიკური წუნის მქონე ამონაწერი, ასეთ შემთხვევაში შეუფერხებლად გრძელდება ხმების დათვლისა და კენჭისყრის შედეგების შემაჯამებელი ოქმის შედგენის პროცედურები.

- წინასწარი შედეგების შესახებ კონსოლიდირებულ ამონაწერს მდივანთან ერთად მოაწერეთ ხელი, დაამონმეთ კომისიის ბეჭდით. წინასწარი შედეგების შესახებ კონსოლიდირებული ამონაწერის ერთი ეგზემპლარი შესანახად გადაეცით კომისიის მდივანს, მეორე ეგზემპლარი გამოაკარით საჯარო გაცნობისთვის კენჭისყრის შენობაში.
- წინასწარი შედეგების შესახებ კონსოლიდირებულ ამონაწერთან ერთად თვალსაჩინო ადგილზე გამოაკარით საუბნო საარჩევნო კომისიის მიერ შედგენილი აქტის (ასეთის არსებობისას) დამონმებული ასლი, რომელიც შედგა გადასატანი საარჩევნო ყუთიდან საარჩევნო ბიულეტენების ძირითად საარჩევნო ყუთში მოთავსების პროცესში გამოვლენილი გარემოებების გამო (აპარატმა უკან დააბრუნა გადასატანი საარჩევნო ყუთიდან ამოღებული საარჩევნო ბიულეტენი; გადასატანი საარჩევნო ყუთიდან ამოღებულ სპეციალურ ჩარჩო-კონვერტში აღმოჩნდა დადგენილ რაოდენობაზე მეტი საარჩევნო ბიულეტენი).
- პლანშეტის მეშვეობით უზრუნველყავით ცესკოსთვის წინასწარი შედეგების შესახებ კონსოლიდირებულ ამონაწერში მითითებული მონაცემების მიწოდება.

კენჭისყრის შედეგების შესახებ კონსოლიდირებულ ამონაწერში არსებული მონაცემების ცესკოსთვის გადაგზავნის პროცესის ილუსტრაცია იხილეთ გვ. 47, სქემა N11.

სქემა N11 - კენჭისყრის წინასწარი შედეგების შესახებ კონსოლიდირებულ ამონაწიხში ახსებული მონაცემების ცესკოსთვის გადაგზავნის პროცესის ილუსტრაცია.

{I} პლანშეტში ჩატვირთული აპლიკაციის გააქტიურების მიზნით დააჭერით ხატულას.



{II} პლანშეტში იწყება პროგრამის ჩატვირთვა, გრძელდება რამდენიმე წამი.



{III} შეიყვანეთ სპეციალური ინდივიდუალური კოდი.



{IV} აირჩიეთ ღილაკი „გადაცემის დაწყება“.




{V} მესხიერების ბარათი დააკავშირეთ პლანშეტთან და აირჩიეთ ღილაკი „გადაცემა“.



{VI} წინასწარი კონსოლიდირებული შედეგების გადაცემის პროცესი გრძელდება რამდენიმე წამი.



{VII} აირჩიეთ ღილაკი „დასრულება“, რის შემდეგაც პლანშეტში სრულდება შედეგების გადაცემის პროცესი.



იმ შემთხვევაში თუ საარჩევნო უბანზე:

- ✓ დაფიქსირდა პლანშეტის ტექნიკური ხარვეზი (პრობლემა შეექმნა წინასწარი შედეგების გადმოცემის აპლიკაციას ან სხვა) და ვერ მოხერხდა ხარვეზის გამოსწორება ასეთ შემთხვევაში, წინასწარი შედეგების შესახებ კონსოლიდირებულ ამონაწერში მითითებული მონაცემების შესახებ ინფორმაცია გადააგზავნეთ თქვენ მიერ განსაზღვრული პირის ხელთ არსებული სხვა ტექნიკური საშუალებით (მაგ: სმარტფონი) საოლქო საარჩევნო კომისიის მიერ წინასწარ განსაზღვრულ პირთან (საოლქო საარჩევნო კომისიის ხელმძღვანელი პირები, ხელშეკრულებით დასაქმებული პირი) ან ცესკოს შესაბამის უფლებამოსილ პირთან (საარჩევნო პროცესების მართვის დეპარტამენტის თანამშრომელი).
- ✓ არ არის მობილური კავშირგაბმულობისა და ინტერნეტის უწყვეტი კავშირი, ასეთ შემთხვევაში, წინასწარი შედეგების შესახებ კონსოლიდირებულ ამონაწერში მითითებული მონაცემების შესახებ ინფორმაცია ცესკოს შეიძლება მიენოდოს კენჭისყრის შენობის გარე პერიმეტრიდან.
- ხმის დათვლის პროცედურის დაწყების მიზნით, ჩაატარეთ წილისყრა ოთხი მთვლელის გამოსავლენად.

- ❑ ჩაატარეთ წილისყრა საარჩევნო უბანზე მყოფი საარჩევნო სუბიექტების წარმომადგენლებისაგან არაუმეტეს 2 წარმომადგენლის გამოსავლენად, რომლებიც მთვლელებთან ერთად მონაწილეობენ ნამდვილი ან/და ბათილი საარჩევნო ბიულეტენების დათვლის პროცესში.

წილისყრაში არ მონაწილეობენ იმ საარჩევნო სუბიექტების წარმომადგენლები, რომელთა მიერ დანიშნული კომისიის წევრებიც არიან წილისყრით გამოვლენილი მთვლელები.

- ❑ დამკვირვებელთა შორის ჩაატარეთ წილისყრა 2 მეთვალ-ყურის გამოსავლენად იმ შემთხვევაში, თუ დამკვირ-ვებლები თავიანთი შემადგენლობიდან ურთიერთშეთანხმებით ვერ შეარჩევენ საარჩევნო ბიულეტენების დათვლის პროცესის მეთვალყურე პირებს.
- ❑ მოაწყვეთ უბანი ხმების დასათვლელად. მთვლელების მაგიდასთან მიიტანეთ:
 - ❑ გადასატანი საარჩევნო ყუთის სია (ასეთის არსებობის შემთხვევაში);
 - ❑ რეგისტრატორებთან არსებული გამოუყენებელი საარჩევნო ბიულეტენები;
 - ❑ გაფუჭებული საარჩევნო ბიულეტენები;
 - ❑ ძირითადი საარჩევნო ყუთები.
- ❑ მიუთითეთ კომისიის მდივანს ცალ-ცალკე პაკეტებში მოათავსოს:
 - ❑ გადასატანი საარჩევნო ყუთის სია (ასეთის არსებობის შემთხვევაში);
 - ❑ გაფუჭებულ საარჩევნო ბიულეტენები;
 - ❑ რეგისტრატორებთან არსებული გამოუყენებელი საარჩევნო ბიულეტენები (პაკეტში მოთავსებამდე კომისიის მდივანი აღნიშნულ საარჩევნო ბიულეტენებს აჭრის კუთხეს).
- ❑ დალუქული დოკუმენტაციის დალუქვის ზოლზე ხელი მოაწერეთ მთვლელებთან ერთად.
- ❑ შეამოწმეთ ძირითადი საარჩევნო ყუთების ლუქების მთლიანობა. თუ ყველაფერი წესრიგში აღმოჩნდა, გახსენით ძირითადი საარჩევნო ყუთები.

თუ საარჩევნო ყუთების შემოწმებისას ლუქის მთლიანობა დარღვეული აღმოჩნდა, მაგრამ კომისია მიიჩნევს, რომ ამას არ გამოუწვევია კანონის მოთხოვნათა დარღვევა, კომისიის განკარგულებით გრძელდება კენჭისყრის შედეგების შეჯამების პროცედურა (აღნიშნული ფაქტი დაუყოვნებლივ ეცნობება საოლქო საარჩევნო კომისიას). წინააღმდეგ შემთხვევაში საარჩევნო ყუთი/ყუთები ილუქება და კომისიის განკარგულებით გადაეცემა ზემდგომ საოლქო საარჩევნო კომისიას.

- მიუთითეთ **მთვლელებს** ერთმანეთში შეურიონ ძირითადი საარჩევნო ყუთებიდან გადმოყრილი საარჩევნო ბიულეტენები და დაიწყონ საარჩევნო ბიულეტენების დახარისხებისა და დათვლის პროცესი.
- საარჩევნო ბიულეტენების დახარისხების შემდეგ მიუთითეთ მთვლელებს დაითვალონ: ბათილად მიჩნეული საარჩევნო ბიულეტენები; თითოეული საარჩევნო სუბიექტისათვის მიცემული ხმები.
- გამოაცხადეთ თითოეული საარჩევნო სუბიექტის მიერ მიღებული ხმებისა და ბათილი საარჩევნო ბიულეტენების რაოდენობა. კომისიის მდივანთან ერთად შეამოწმეთ მონაცემების სისწორე. იმ შემთხვევაში თუ კენჭისყრაში მონაწილე ამომრჩეველთა რაოდენობა მეტია საარჩევნო სუბიექტების მიერ მიღებული ხმებისა და ბათილი საარჩევნო ბიულეტენების ჯამზე, მიუთითეთ მთვლელებს ხელახლა გადათვალონ მონაცემები.
- საარჩევნო ბიულეტენების დათვლის შემდეგ, მიუთითეთ მთვლელებს, ცალ-ცალკე პაკეტებად დალუქონ:
 - ბათილი საარჩევნო ბიულეტენები;
 - სხვა საარჩევნო უბნისთვის განკუთვნილი ბათილი საარჩევნო ბიულეტენები (ასეთის არსებობის შემთხვევაში). სხვა საარჩევნო უბნისათვის განკუთვნილი ბათილი საარჩევნო ბიულეტენების რაოდენობა აღინიშნება მხოლოდ ჩანაწერთა წიგნში;
 - საარჩევნო სუბიექტების კუთვნილი საარჩევნო ბიულეტენების დასტები.
- დალუქულ პაკეტებს ხელი მოაწერეთ მთვლელებთან ერთად.

რე უნდა გავითვალისწინოთ კენჭისყრის შედეგების შემაჯამებელ ოქმთან მიმართებით

საარჩევნო უბნის კენჭისყრის შედეგები დასტურდება მხოლოდ სა-
არჩევნო კოდექსით დადგენილი წესის შესაბამისად შედგენილი
საუბნო საარჩევნო კომისიის კენჭისყრის შედეგების შემაჯამებელი
ოქმით.


- კომისიის მდივანი თქვენთან შეთანხმებით ავსებს კენჭისყრის
შედეგების შემაჯამებელ ოქმს. კომისიის ყველა წევრი ვალ-
დებულია ხელი მოაწეროს კენჭისყრის შედეგების შემაჯამებელ
ოქმს, რითაც დასტურდება მათი ყოფნა საარჩევნო უბანზე.
საუბნო საარჩევნო კომისიის მიერ შედგენილი კენჭისყრის
შედეგების შემაჯამებელი ოქმი იურიდიული ძალის მქონეა,
თუ მას ხელი მოაწერა საუბნო საარჩევნო კომისიის წევრთა
უმრავლესობამ.

კენჭისყრის შედეგების შემაჯამებელი ოქმის შედგენასთან და-
კავშირებით დეტალური რეგულაცია იხილეთ საუბნო საარჩევნო
კომისიის წევრთა სახელმძღვანელო ინსტრუქციაში, გვერდი
60-63, ქვეთავში „კენჭისყრის შედეგების შემაჯამებელი ოქმის
შედგენა“.

- კენჭისყრის შედეგების შემაჯამებელი ოქმის ფოტოასლი დაუ-
ყოვნებლივ, პლანშეტის გამოყენებით გადაუგზავნეთ ცესკოს.

შემაჯამებელი ოქმის ფოტოასლთან ერთად, ცესკოს გადა-
უგზავნეთ ასევე, კენჭისყრის შედეგების შემაჯამებელი ოქმის
შესწორების ოქმის, განსხვავებული აზრის დოკუმენტის, კომი-
სიის მდივნის/კომისიის წევრთა ახსნა-განმარტებების და გა-
დასატანი საარჩევნო ყუთში არსებული ბიულეტენების ძირითად
საარჩევნო ყუთში მოთავსებისას კომისიის მიერ შედგენილი
აქტის ფოტოასლი - ასეთი დოკუმენტების არსებობის შემთხვე-
ვაში.

სქემა N12 - შემაჯამებელი ოქმის ფოტოასდის ცესკოსთვის გადაგზავნის პირობების ეტაპების ილუსტრაცია



{I}

დააჭირეთ ჩამოსაშლელ კონტექსტურ მენიუს.



{II}


პროგრამის მენიუში აირჩიეთ ღილაკი „ოქმი“.



{III}

აირჩიეთ შემაჯამებელი
ოქმის სახეობა - ღილაკი
„პროპორციული“

პროპორციული >



{IV}

ოქმის ფოტოასლის
გადაღების მიზნით აირჩიეთ
ფოტოაპარატის ამსახველი
ღილაკი.






{V}

პლანშეტის ფოტოკამერის ობიექტივში სრულად უნდა ჩანდეს შემაჯამებელი ოქმი. აირჩიეთ ღილაკი „გადაღება“.

გადაღება



{VI}

შემაჯამებელი ოქმის ფოტოსაღების გაგზავნის მიზნით აირჩიეთ ღილაკი „გაგზავნა“.

იმ შემთხვევაში თუ საარჩევნო უბანზე:

- ✓ დაფიქსირდა პლანშეტის ტექნიკური ხარვეზი (პრობლემა შეექმნა ცესკოს აპლიკაციას, რომლის მეშვეობითაც იგზავნება საუბნო საარჩევნო კომისიის კენჭისყრის შედეგების შემაჯამებელი ოქმი) და ვერ მოხერხდა ხარვეზის გამოსწორება, ელექტრონული მართვის სისტემაში კენჭისყრის შედეგების შემაჯამებელი ოქმის ატვირთვას უზრუნველყოფს საოლქო საარჩევნო კომისია, მისთვის სხვა საარჩევნო დოკუმენტაციასთან ერთად შემაჯამებელი ოქმის გადაცემის შემდგომ.
- ✓ არ არის მობილური კავშირგაბმულობისა და ინტერნეტის უწყვეტი კავშირი, კენჭისყრის შედეგების შემაჯამებელი ოქმის ასლი ცესკოს შეიძლება მიენოდოს კენჭისყრის შენობის გარე პერიმეტრიდან, ან ელექტრონული მართვის სისტემაში კენჭისყრის შედეგების შემაჯამებელი ოქმის ატვირთვას უზრუნველყოფს საოლქო საარჩევნო კომისია, მისთვის სხვა საარჩევნო დოკუმენტაციასთან ერთად შემაჯამებელი ოქმის გადაცემის შემდგომ.
- კენჭისყრის შედეგების შემაჯამებელი ოქმის დამონმებული ფოტოასლი საჯარო გაცნობისთვის გამოაკარით კენჭისყრის შენობაში.
- კენჭისყრის შედეგების შემაჯამებელი ოქმის და შესწორების ოქმის (არსებობის შემთხვევაში) ფოტოასლების გაცემისას (მოთხოვნის შემთხვევაში) კომისიის მდივანთან ერთად ხელი მოაწერეთ და დაამონმეთ კომისიის სპეციალური ბეჭდით.
კენჭისყრის შედეგების შემაჯამებელ ოქმთან/შესწორების ოქმთან დაკავშირებული კომისიის წევრთა ახსნა-განმარტებები (ასეთის არსებობის შემთხვევაში), მოთხოვნის საფუძველზე გაიცემა საოლქო საარჩევნო კომისიის მიერ, მოთხოვნიდან 2 დღის ვადაში.
- ყველა პროცედურის დასრულების შემდეგ კომისიის მდივანთან ერთად დახურეთ სარეგისტრაციო ჟურნალი და ჩანაწერთა წიგნი, დაამონმეთ ხელმოწერებით და საუბნო საარჩევნო კომისიის სპეციალური ბეჭდით.
- საოლქო საარჩევნო კომისიისათვის საარჩევნო დოკუმენტა-

ციის, ელექტრონული აპარატებისა და სხვა ინვენტარის გადამართების მიზნით დალუქეთ ჩანაწერთა წიგნი და მასთან ერთად:

- განცხადებები/საჩივრები (ასეთის არსებობისას);
- ამომრჩეველთა ვერიფიკაციის აპარატებიდან ამობეჭდილი საწყისი ანგარიშები და აპარატიდან ამობეჭდილი საბოლოო ანგარიში;
- ხმის დათვლის სპეციალური ელექტრონული აპარატებიდან ამობეჭდილი „ნულოვანი ამონაწერები“ და აპარატიდან ამობეჭდილი წინასწარი შედეგების შესახებ კონსოლიდირებული ამონაწერი.
- ჩანაწერთა წიგნის დალუქულ პაკეტს კომისიის მდივანთან ერთად მოაწერეთ ხელი.
- დალუქეთ კომისიის სპეციალური ბეჭედი. კომისიის სპეციალური ბეჭდის დალუქულ პაკეტს ხელს აწერს კომისიის ყველა დამსწრე წევრი.